

RECIT *J. D. Whaobz*  
VERITABLE *no. 40*

DE L'ENTREPRISE  
que les Anglois auoient sur la Ville  
& Citadelle de Calais, par l'entre-  
mise d'un nommé du Parc.

*Descouuerte par le Vicomte de Fruze  
estrange, à Monsieur de Valencé,  
Gouverneur de ladite Ville & Ci-  
tadelle.*


Auec la prise de deux Barques Angloi-  
ses, où dans l'une s'est trouuée la  
femme d'un Pilote d'une des  
Remberges, saisie d'une lettre.



A PARIS,  
Chez JEAN BARBOTE, en l'Isle du Palais,  
ruede Harlay, à la Fleur de Lys Couronnée.

M. DC. XXVIII.

*Auec Permission.*





RECIT VERITABLE DE  
 l'entreprise que les Anglois auoient  
 sur la Ville & Citadelle de Calais,  
 par l'entremise d'un nommé du Parc,  
 descouuerte par le Vicomte de Fru-  
 ze à Monsieur de Valencé, Gou-  
 uerneur pour sa Majesté de ladite  
 Ville & Citadelle.



MONSIEVR,

Vous n'auiez  
 point à me se-  
 mōdre de vous  
 dōner de nou-  
 uelles de ce païs, puis qu'à  
 mon depart ie vous l'auois  
 promis. L'allarme qu'on a

eu à Paris du Siege de Calais  
est fausse iusques à present.  
Il est vray qu'il nous paroist  
tous les iours vne grosse &  
forte Armée Naualle, qu'on  
tient est e de deux cens voi-  
les. Pour cent trente deux  
i'en puis asseurer, comme  
les ayant fait compter à vn  
Matelot de ceste ville, qui  
est de ma cognoissance, Di-  
manche de matin. Et est  
chose tres-assurée que c'e-  
stoit pour surprendre Ca-  
lais: & si Dieu n'y eust re-  
medié par son ayde leur en-  
treprise estoit infailible; le  
m'en va vous en faire le re-



cit tout au long, & le plus  
succinctement que ie pour-  
ray. Sçachez qu'un nommé  
le Parc, fils du Capitaine des  
Portes de la Ville de Calais,  
atteint & conuaincu de plu-  
sieurs crimes, entr'autres de  
rapt & viol d'une fille de  
qualité de ladite ville, se se-  
roit absenté pour quelque  
temps, & seroit allé en Ho-  
lande. Estant de retour, ses  
pere & mere auroient prié  
M<sup>o</sup>sieur de Valencé le vou-  
loir mettre dans la Citadel-  
le, comme prisonnier, ayant  
pourtant tout l'enclos de la-  
dite Citadelle, à fin que par

ce moyen on peust moyen-  
ner quelque accord avec ses  
parties. Cét esprit peruers  
& malheureux se voyant re-  
duit là dedans, prend garde  
à vn Bastion qui estoit tom-  
bé, & se resoult par ce moyē  
d'y mettre l'ennemy, & fai-  
re bonne condition pour  
luy. Pour ce faire il se sert  
des moyens qui s'ensuiuēt.  
Il auoit vn frere en Holan-  
de qui portoit les Armes: Il  
luy mande de luy enuoyer  
vn certain Sergent de com-  
pagnie (entrelequel & luy  
y auoit grosse affinité) pour  
le venir voir là dedans; Ce

qui est tout aussi tost executé: Et pendant le séjour qu'il y fait, ils ont eu moyen de prendre la mesure de ladite demolition, en hauteur & largeur, tout ainsi que bon leur a semblé, & de là l'a enuoyé en Angleterre pour faire sa condition, & asseurer la deliurance de la place. Cependant qu'on fait ce mauuais trafic, il se rencontre là dedans vn nommé le Vicomte de Fruze, estrangier, qui a esté Capucin, lequel s'en alloit en Holande. Sa mere en ayant eu aduis, enuoya prier ledit sieur de



Va'encé le retirer : ce qu'il  
 fait. Ledit du Parc voyant  
 donc cét homme dans des  
 inquietudes d'esprit , se re-  
 sould de luy communiquer  
 son pernicieux dessein , au-  
 quel il preste l'oreille : Mais  
 après auoir vn long temps  
 consideré l'affaire ( sans tou-  
 tesfois l'esconduire ) en de-  
 mande aduis à vn sien On-  
 cle qu'il a en Flandres , qui  
 luy conseilie ne tremper  
 point dans ceste trahison,  
 mais bien d'en donner ad-  
 uis à ceux qu'il appartiien-  
 droit. Harriue que la Royne  
 Mere a vn aduis asseuré que  
 on



on a dessein sur Calais , & que pour cét effect la Mer est toute couverte de Voiles ; Sa Majesté commande donc à Monsieur d'Elbœuf s'y transporter. Il y arriue le Mercredy dixneufiesme du present mois : & le Vendredy veille de la Magdaleine, ledit Vicomte de Fruze (inspiré de Dieu ) descouure l'affaire audit sieur de Valencé : & est chose asseurée que le Samedy ou le Dimanche l'affaire estoit executée. Et pour vous bien esclaircir, ie vous veux faire le recit au long que ledit du Parc s'est

trouué atteint & conuaincu. C'est que ledit sieur de Valencé remercie fort ledit Vicomte de Fruze du salutaire aduis qu'il venoit de luy donner, & l'asseure d'une grande recompense de la part du Roy : toutesfois qu'il n'y a point d'apparence qu'il soit creu, s'il n'y a point d'autre tefmoin que luy contre ledit du Parc, & qu'il seroit à propos de le faire parler. Il ne trouue rien de plus facile, & quant & quant l'expedient. Il luy demande deux hommes, qui luy sont donnez, qu'il ame-

neen sa chambre, & les fait  
 cacher souz son lict. Après  
 il oblige ledit du Parc d'aller  
 coucher avec luy pour par-  
 ler d'affaires : ce qui luy est  
 accordé. Estant donc tous  
 deux dans le lict, ils parlent  
 d'affaire, & les moyens qu'il  
 falloit tenir : car il attendoit  
 le lendemain vn homme  
 qu'il auoit enuoyé en An-  
 gleterre, qui luy deuoit me-  
 ner trois cēs hommes pour  
 se saisir du vieux Chasteau.  
 Or est-il que dans ce vieux  
 chasteau ne couchoit qu'vn  
 vieux Soldat de sa cognois-  
 sance, qui luy en donnoit



l'entrée libre , lequel il de-  
uoit poignarder : Tant y a  
que la chose n'estoit que  
trop facile. Le chasteau d'oc-  
cagné par les trois cens hō-  
mes , il en y auoit trois mil  
qui les escortoient , qui de-  
uoient entrer par la dite bres-  
che. Voila comme quoy il  
parloit à l'oüie des deux qui  
estoit cachez souz le liēt.  
Après leur rapport fait au-  
dit sieur de Valencé , l'aduis  
en est donné à Monsieur le  
Duc d'Elbeuf , qui se saisit  
dudit du Parc , qui nie le  
tout le Samedy , mais le Di-  
manche il cōfesse tout , sans



accuser aucun complice. Voila tout ce qui se passe au vray de cét affaire. Ledit iour de Dimanche ont esté prises deux Barques Angloises, où s'est trouué dedans la femme d'un Pilote d'une des Remberges, saisie d'une lettre ; qui dit qu'ils sont tous embarquez , & qu'ils n'attendent que le commandement de faire voile, qu'il ne sçait au vray où ils iront: qu'il croit pourtant que c'est à la Rochelle, ou à l'Isle de Ré, ou à Calais. On croit aussi qu'ils mettront pied à terre pour

assiéger Calais , soit à ceste  
heure, ou après leur retour  
de la Rochelle, s'ils ne peu-  
uent rien faire. Nous les at-  
tendons avec impatience.  
J'ay bonne esperance en  
Dieu d'estrener mes pisto-  
lets. Ils sont grandement  
forts: car ils sont quinze mil  
pietons , & trois mil che-  
vaux, tant Frisons , qu'Es-  
cossois , mais cela ne nous  
effraye point pourtant: que  
au contraire, chacun espere  
à faire prisonniers , & à se  
bien monter à leurs des-  
pens. Dieu nous en face la  
grace: Dites Amen. L'ou-

23  
bliois à vous dire que ledit  
du Parc sera rompu tout vif  
après que le Courier qui est  
allé trouuer le Roy sera de  
retour ; Et seray toute ma  
vie,

MONSIEVR,

*Vostre tres humble & tres-  
affectionné seruiteur,  
L.*

A Boulongne, ce  
16. Iuillet 1628.

## PERMISSION.

**I**L est permis à Iean Barbote, Maître Imprimeur & Libraire en ceste ville de Paris, d'imprimer ou faire imprimer, vendre & distribuer *Le Recit veritable de l'entreprise, &c.* Et defences à tous autres Imprimeurs & Libraires de l'imprimer, ny vendre. Fait ce quatriesme iour d'Aoust mil six cens vingt-huict.



